

इवनिंग डोगरी न्यूज़ बुलेटिन

समे .18:15 Hrs

Headlines

- केंद्री गृह मंत्री अमित शाह होरें 1975 दी इमरजेंसी खलाफ संघर्ष दौरान प्रधानमंत्री नरेंद्र मोदी हुंदी बतौर आर.आर.एस प्रचारक, नभाई गेदी भूमिका बारै इक कताब दा विमोचन कीता।
- उपराज्यपाल मनोज सिन्हा होरें जम्मू च 1975 इमरजेंसी नमैश दा उद्घाटन कीता, नौजवानें गी लोकतांत्रिक मूल्यें बारै जागरूक ते शिक्षित करने पर जोर दिता।
- औंदी अमरनार्थें दी यात्रा कोला पैहले जम्मू-श्रीनगर राश्ट्री जरनैली सड़कें पर सुरक्षा बवस्था निगगर करी दिती गेदी ऐ।
- भारती अंतरिक्ष यात्री शुभांशु शुक्ल गी लेइयै एक्सओम-4 अंतरराश्ट्री अंतरिक्ष केंद्र लेई रवाना।
- जम्मू-कश्मीर दे विरासती सरमाये दे ते प्राचीन स्मार्कें दे संरक्षण लेई मिशन इन्स्पेक्शन शुरू।

<><><><><><>

PM-Book Release

केंद्री गृह मंत्री अमित शाह होरें संविधान हत्या दिवस दे मौके पर अज्ज नमी दिल्ली च इक कताब दा विमोचन कीता। “द इमरजेंसी डायरीज यीअर्स दैट फोर्जड एह लीडर” ना दी इस कताब च इमरजेंसी दे खलाफ संघर्ष च प्रधानमंत्री नरेंद्र मोदी हुंदी बतौर इक युवा आर.एस.एस प्रचारक दे

रूपै च भूमिका गी दर्शाया गेदा ऐ। कार्यक्रम गी संबोधित करदे होई अमित शाह होरें आखेआ जे मुख्य 1975 दी इमरजेंसी दौरान लोकें कन्नै होई दी बेन्यायी ते अत्याचारें गी कदें बसारी नेई सकदा।

<><><><><><>

LG-SHD

उपराज्यपाल मनोज सिन्हा होरें नौजवानें गी लोकतांत्रिक मूल्यें कदरें दे बारै च जागरूक ते शिक्षित करने दी जरूरतें पर जोर दिता ऐ। उनें आखेआ कि जेकर नौजवान पीढ़ी इमरजेंसी दौरान होए दे घटनाक्रम ते उन्दे माड़े असर गी समझदी ऐ तां भविष्य च ऐसी नौबत कदें नेई औग। अज्ज जम्मू दे कन्वेंशन सेंटर च 1975 च मुख्यै च इमरजेंसी लाए जाने दे 50 बरे पूरे होने दे मौके पर लोआई गेदी 1975 इमरजेंसी एग्जीबीशन दा कन्नै इक नमैश दा उद्घाटन करदे मौके उनें एह गल्ल आक्खी। एह नमैश मुख्य भरै च अज्ज मनाए जा रदे संविधान हत्या दिवस दे सिलसिले च लोआई गेदी ऐ। एल.जी होरें इस मौके आखेआ कि मुख्यै च लोकतांत्रिक मूल्यें-कदरें गी मजबूती देने लेई सबबनें गी अपने इतिहास दा सेही-सेही ते पूरा ज्ञान होना लोइचदा।

<><><><><><>

Amarnath-Security

सालाना अमरनाथ यात्रा शुरू होने कशा पैहलें जम्मू-श्रीनगर राश्ट्री जरनैली शिड़कै दी सुरक्षा तगड़ी कीती जा'रदी ऐ। यात्रुएं दी सुरक्षा दे पुख्ता इंतजाम करने लेई मते हारे चेक प्वाइंट बनाए गेन। गश्त बधाई गई ऐ ते चौकसी लेई बदोबद्द हीले कीते जा'रदे न। तैयारिएं लेई मॉक ड्रिल कीती जारदी ऐ ते आपात स्थिति कन्नै निब्वड़ने लेई यात्रुएं दी सखाल लेई सुरक्षाकर्मिएं गी बवेश सिखलाई दिती गेदी ऐ। सालाना अमरनाथ यात्रा जेदे च ज्हारां बद्दे श्रद्धालु भगवान शिव दे बर्फू दे बने दे शिवलिंग अगगै मत्था टेकदे न। इस बरै 3 जुलाई गी रम्भ होग। इस दौरान सुरक्षा दे

सख्त प्रबंध ते पूरा प्रशासनिक शिष्टाचार यकीनी कीता जाग। प्रशासन नै श्रद्धालुएं दी सुरक्षा गी चाक-चौबंद करने लेई योजनाबद्ध तरीके नै सुरक्षाकर्मिं दी नफरी तैनात कीती दी ऐ ते अमरनाथ जी जाने आहले रस्ते दी 24 घंटे निगरानी कीती जारदी ऐ।

<><><><><><>

DC-Udhampur Amarnath

उधमपुर दिएं डिप्टी कमिशनर सलोनी राय होरें एडीसी प्रेम सिंह हुंदे कन्नै श्री अमरनाथ जी जातरा 2025 शा पैहलें जखैनी थमां काली माता मंदर टिक्करी तगर रौळने-बौहने दी बवस्था आहले केंद्रें ते सामुदायिक शौचालयें आहले अहातें दा दौरा लाया। डिप्टी कमिशनर होरें पीने आहले पानी दी बवस्था, सफाई-सुथराई, बिजली, रिहायश ते बिस्तरें दी गुंजैश दा जायजा लैता। उनें अफसरें गी ताकीद कीती जे ओह श्रद्धालुएं लेई सफाई-सुथराई ते बाकी सब्बनैं स्हूलतें गी यकीनी करन। आकाशवाणी खबरें कन्नै गल्ल करदे होई डी.सी उधमपुर सलोनी राय होरें आखेआ।

<><><><><><>

Programme Announcement

आकाशवाणी जम्मू दे क्षेत्रीय समाचार एकांश आसेआ कल 26 जून गी दपैहरी 12 बजे नशीले पदार्थें दी रोकथाम मौके पर अंतरराष्ट्री ध्याड़े दे सरबंध्य च 25 मिनटें दी विशेष परिचर्चा प्रसारित कीती जाग। इस कार्यक्रम च स्हाड़े परौहने होडन एस.एस.पी एंटी नार्कोटिक्स टास्क फोर्स जम्मू-कश्मीर मोहम्मद अनवार उल हक ते जम्मू यूनिवर्सिटी दे मनोविज्ञान डिपार्टमेंट दियां साबका प्रमुख आरती बखशी। इस परिचर्चा च इनें परौहनें कन्नै गल्लबात करडन स्हाड़े एंकर जगमोहन शर्मा। तुस इस कार्यक्रम गी स्हाड़े इस्सै चैनल पर सुनी सकदे ओ। मीडियम वेव 303 मीटर यानि 990 किलोहर्टज ते एफ.एम 100.3 पर सुनी सकदे ओ।

<><><><><><>

Axiom-Launch

भारती अंतरिक्ष यात्री शुभांशु शुक्ल गी अंतरिक्ष च लेई जाने आहला एक्स्ओम फोर मिशन अज्ज अमरीका दे फ्लोरिडा च कॅनेडी स्पेस सेंटर थमां गासै च छोड़ेआ गोआ। अभियान च शामिल 4 अंतरिक्ष यात्री फैलकन 9 राकेट पर सोआर होइयै स्पेस एक्स ड्रैगन अंतरिक्ष यान राएं अंतरराष्ट्री अंतरिक्ष स्टेशन तगर जांगन। इस अभियान दी अगुवाई अमरीका दी कमांडर पैगी व्हिटसन करै करदियां न ते एहदे च भारती ब्हाई फौज दे ग्रुप कैप्टन शुभांशु शुक्ला, मिशन पाइलेट ते हंगरी दे अंतरिक्ष यात्री टिबोर कापू ते पोलैंड दी अंतरिक्ष यात्री स्लावोज उज्नास्की विस्नीव्स्की मिशन दे माहिर दे तौरा पर शामिल न। एहदे कन्नै गै ग्रुप कैप्टन शुभांशु शुक्ला अंतरिक्ष च जाने आहले दुए भारती बनी गेन। उन्दे शा पैहले 4 दाहकें पैहले 1984 च विंग कमांडर राकेश शर्मा इक रूसी मिशन कन्नै अंतरिक्ष च गे हे। इस्सै दौरान ग्रुप कैप्टन शुक्ला नै अंतरिक्ष थमां इक स्नेआभेजेआ ऐ जेदे च उनें आखेआ जे एह यात्रा भारत दे मानव अंतरिक्ष कार्यक्रम दी बी शुरूआत ऐ। राष्ट्रपति द्रौपदी मुर्मू, प्रधानमंत्री नरेंद्र मोदी ते विज्ञान ते अंतरिक्ष मंत्री डॉ. जितेंद्र सिंह सने केई बड्डे नेताएं एक्सओम मिशन लेई शुभकामना दितियां न।

<><><><><><>

Mission-Inspection

संघ शासित जम्मू-कश्मीर दे सरकार आसेआ संरक्षित स्मारकें दे संरक्षण ते उंदी सांभ सम्भाल पर चला'रदे कम्मैं दा जमीनी सतह पर जायजा लैने दे मकसद कन्नै जम्मू-कश्मीर दे भूसर्वेक्षण ते आरकाइब्ज विभाग नै इस म्हीने दी 25 थमां 30 जून 2025 तेर मिशन इन्स्पेक्शन शुरू कीता। इस अरसे दौरान टीमां जम्मू-कश्मीर च डे॥ सौ कम्मैं-कार्जे ते 54एं संरक्षित स्मारकें दा निरीक्षण करडन। एह टीमां बक्ख-बक्ख मरहलें च परियोजनाएं पर चला रदे कम्मैं-कार्जे दी जांच करडन। एहदे अलावा जिमीं पर गैर कनूनी तरीके नै कीते गेदे कब्जें दी शिनाख्त करियै उनें फी बहाल

करियै उसी शैल सनाहकड़ा बनाने दे हीले बी कीते जाडन। इस मिशन दा लक्ष्य जिला प्रशासन ते कम्मै गी तोड़ चाढ़ने आहिलें एजेंसिएं मझाटै तालमेल गी तगड़ा करना ते भविक्ख च विरासती परियोजनाएं दा जायजा लैना ऐ।

<><><><><><>

Clean-Jammu

जम्मू शैहरा गी साफ-सुथरा ते हरा-भरा बनाई रखने लेई शुरू कीती गेदी मुहिम 'क्लीन जम्मू ग्रीन जम्मू' गी अगड़े बधांदे होई अज्ज छन्नी हिम्मत वार्ड नंबर 51 च तलाह दे कंडे बूहटे पौधे लाने दा अभियान चलाया गेआ। इस मौके जल शक्ति मैहकमे च सरकार दे अतिरिक्त सचिव हितेश गुप्ता बतौर मुख परौहने मजूद हे। मकामी लोकें बड़े मते उत्साह कन्नै बूहटे लाने दे कम्मै च हिस्सा लैता। बूहटे लाने दी एह मुहिम जम्मू नगर निगम ते शैहरी जंगलात डिविजन आसेआ चलाई गेदी ऐ। इस मौके बोलदे होई अतिरिक्त सचिव हितेश गुप्ता होरें आखेआ।

<><><><><><>